

鄆陵文獻志卷二十五

鄆陵蘇源生菊邨纂

人物志二

先達

唐

崔知温

舊唐書良吏傳崔知温

新唐書云字禮仁

許州鄆陵人祖樞

司農卿父義真陝州刺史

鄧名世古今姓氏書辨正云崔蔚自宋奔後魏居滎

陽蔚少子或居鄆陵新唐書宰相世表云崔或孫子今隋本州主簿子今子樞利州刺史樞子義直陝

州刺史知温初為左千牛麟德中累轉靈州都督府司

文獻志

卷二十五

一

馬州界有渾斛薛部落萬餘帳數侵掠居人百姓咸廢農業習騎射以備之知温表請徙於河北斛薛不願遷移時將軍契苾何力為之言於高宗遂寢其奏知温前後十五上詔竟從之於是百姓始就耕穫後斛薛入朝因過州謝曰前蒙奏徙河北實有怨心然牧地膏腴水草不乏部落日富始荷公恩拜伏而去知温四遷蘭州刺史會有党項三萬餘眾來寇州城城內勝兵既少眾大懼不知所為知温使開城門延賊賊恐有伏不敢進俄而將軍權善才率兵來救大破党項之眾善才因其降欲盡阬之以絕後患知温

曰弗逆克奔古人之善戰誅無噍類禍及後昆又谿

谷崢嶸草木幽蔚萬一變生悔之何及善才然其計

又欲分降口五百人以與知温知温曰向論安危之

策乃公事也豈圖私利哉固辭不受党項餘衆由是

悉來降附知温累遷尚書左丞轉黃門侍郎同中書

門下三品兼修國史永隆二年七月遷中書令永淳

二年三月卒十七史商榷云新紀知温卒於宏道元

改元舊紀例用前號年五十七贈荊州大都督新唐

新紀例用後號故也幽州大都督新唐書宰相世系表

督諡曰忠子泰之開元中官至工部尚書新唐書宰相世系表

云泰之左丞黃門侍郎工部尚書初以職方郎中預

平二張趙紹祖新舊唐書互證云新書武后紀長安

文獻志 卷二十五 二

五年討二張有職方郎少子諤之神龍初為將作少

中崔泰之與世系表合匠預誅張易之有功封博陵縣侯賜實封二百戶新唐

書宰相世系表云諤之少府監趙國公初以商初累遷少府監 開元

州司馬預平韋后功第二與傳不同未詳孰是崔知悌

新唐書列傳知温兄知悌官至中書侍郎與戴至德

郝處俊李敬元同賜飛白書贊而知悌敬元以忠勤

見表新唐書云高宗嘗為飛白書賜遷尚書左丞裴

行儉之破突厥斬泥孰匄殘落保狼山詔知悌馳往

定襄慰將士佐行儉平道寇有功舊唐書本紀云儀

尚書左丞崔知悌
終戶部尚書
舊唐書本紀云永隆二年八月丁亥戶部

尚書崔知悌卒新唐書世系表云知悌子祐之博州刺史

宋

袁逢吉

宏簡錄袁逢吉字延之鄆陵人曾祖儀仕唐以軍功至黃州刺史祖光甫尉氏令父蟾大理評事逢吉四歲能誦爾雅孝經七歲兼通論語尚書周太祖召試賞其精習賜束帛開寶八年擢三傳第釋褐清江尉知州王明薦其能就除豐城令運使張去華條上治狀召爲春秋博士淳化中累遷至水部郎中呂蒙正

文獻志

卷二十五

三

薦其經術宜任學官會蜀叛授西川轉運使至道初徙荆湖北路憚遠不赴罷知夔州川陝採訪使上其治迹與朱協李虛己薛顏邵曄查道劉檢同賜褒諭祥符中歷官鴻臚少卿卒年六十九逢吉性修謹練達時務鄆州牧馬草地侵民田數百頃牒訴連不決命逢吉按視至則悉還所侵田民咸德之兄及甫歷京東峽路轉運副使至駕部郎中子成務比部員外郎京東轉運副使從子楚材至虞部員外郎

崔立

新纂崔立字本之開封鄆陵人祖周度周泰甯軍節

度判官贈祕書少監父汝礪左班殿直立少警悟博學尤長於古文咸平三年進士及第補果州團練推官役兵輦官物苦道險乃率衆錢傭舟載歸知州姜從革發其事論如率斂法當斬三人立曰此非私己罪當杖耳從革初不聽卒論奏詔如立議真宗記之特改大理寺丞知臨清縣事丁父憂去職服除知安豐縣事大水壞期斯塘民失灌溉之利者千餘家立躬督繕治踰月塘完民獲安業轉殿中丞徙通判廣州事改太常博士嶺南舶商所湊珍貨叢委一爲所動則隳其故節立以清約自守凡被之所有不市一

錢官滿但舟載俸緡所餘而還時張士遜爲本道轉運使甚歎服之丁母憂去官服闋通判許州事改屯田員外郎知江陰軍事屬邑有利港舊溉民田數千頃歲久湮廢立諭民開濬不日而成又開橫河六十里以通漕運舟楫之便天子嘉之代還會東都塞決河調民出芻槌命立提舉受納立度其用有餘而下戶未輸者尚二百萬悉奏弛之民大悅遷職方員外郎知隸州事城中池素舄鹵民苦水泉不給立擇衢巷要便之地爲浚百井閒有甘冽者衆謂立至誠所感累遷都官郎中歷知漢相潞三州事遷職方再遷

太常少卿知兗州事值歲大蝗旱民苦凶歉立募富民出粟數十萬斛以哺饑者所活甚衆繼徙鄆涇二州就拜右諫議大夫知耀州事耀民氣豪喜訟號難治始至繫囚滿獄立爲區判善惡勸沮明白未幾民服化境內以清徙知濠州事轉給事中立性淳謹喜論事當大中祥符閒帝旣封禪士大夫爭上符瑞獻贊頌立獨言水發徐州旱連江淮無爲烈風金陵火天所以警驕情戒淫佚也區區符瑞何足爲治道言哉前後上四十餘事至是以年七十上書乞骸骨詔進秩工部侍郎致仕立旣歸許之私第遂謝絕人事

治園圃羅植松竹中起小亭曰葆光自號葆光子終日怡然隱几於其閒每良辰美節則召親族觴詠以爲娛樂慶厯三年卒年七十五立方重沈敏不妄喜怒外雖嚴莊而內極仁恕平居斂衽危坐凜然如在官府中家人輩皆悚戢自飭無敢遽步於前者天性至孝二親之亡水漿不入口者累日蔬食柴毀見者嗟嘆之事兄務順其意諸姪少孤皆奏以官義均已子厯治十郡所至以約制煩以靜勝擾而政一出於仁惠凡議罪有不合法意或所誅不當其情者則類從輕比故民感而易化所去殊思之性本恬晦不自

夸耀以道平進志不可屈故人官顯要足未嘗一妄
及其門常曰人苟公而待物當自知我必欲求而後
知則吾豈爲此當東郡之督薪芻也內臣閭文應方
爲小官與立共事文應舉動或不如法立必極言規
正之後入爲內都知權傾中外感立疇昔誨勸之恩
百計欲一見而不能得其自重如此子三長勉天聖
五年進士第強敏能政終大理寺丞次公孺自有傳
次長孺和雅善屬文終大理寺丞本韓琦安陽集
參宋史循吏傳
崔愈

鄉先賢列傳崔愈字士先天聖閒以明經登第官至

文獻志

卷二十五

六

尚書駕部郎中上柱國賜紫金魚袋政績著聞范仲
淹杜衍交薦之議遷監司而愈力請治郡詳見李昭

玘所撰墓文

吳志云按崔愈府志誤以爲崔立之子
今考韓魏公所撰崔立行狀云子三長

勉次公孺次長孺則愈
非立之子矣宜改正

元

安住

新纂安住其先西夏人後遷鄆陵父阿闕以吏員授
奉訓大夫中衛所千戶知事安住幼警敏喜讀書弱
冠遊太學折節下賢懇於訪問典教悉儒宗名士極
天下選故其學有淵源泰定甲子擢進士高第授承

事郎達魯花赤丙寅莅內黃內黃介魏滑閒居民繁夥號難治安住以教養爲急務勸民耕桑樹蓄勞來巡行出入阡陌未嘗憚勞已而民皆安輯有蓋藏乃招縣弟子以爲學官弟子員爲除徭役又舉行義表孝弟爲之定嫁娶喪祭儀式使不得過法頃之其化大行時宣聖加號碑更數政未立乃謀於僚屬各捐己俸僦工伐石躬督厥役不期月告成又邑稅越元城而輸館陶道路遼遠每隆冬嚴寒衝冒風雪民以爲苦安住移文總府躬詣執政求改輸元城得請然後歸民甚德之

本楚惟善內黃監縣安住去思碑

文獻志

卷二十五

七

明

于潛

新纂于潛字彥昭少儻有志操洪武中以明經釋褐太學薦才能除監察御史改五軍都督府斷事厯知隆德昌樂二縣永樂初遷建昌知府潛性廉介勤敏不避權勢待吏卒甚嚴撫黎庶以恩不踰年政平訟理百廢俱興郡人懷之十一年任應天府尹十五年卒於官

本經志及孫奇逢中州人物考參鄆署雜鈔

程敏

經志程敏字彥章醴篤好學謙恭不伐洪武閒以貢

生除前軍都督府斷事調刑部主事讞獄精詳累陞

廣東左參政

蒙按科貢題名碑程敏任山東左參議與經志不同未詳孰是

張易

經志張易淇武閒以通經儒士膺薦累官戶部侍郎

直道不阿司會允當名載大誥編中雖幾得罪終不

廢賢

盧士達

經志盧士達洪武二十三年由孝廉任萊陽縣丞治

行卓異陞福建道監察御史風裁尤著

呂謙

文獻志

卷二十五

八

經志呂謙字子端少爲吏性廉謹洪武閒知休甯縣

不受民贄謁調知狄道地近西鄙民有告軍衛占田

者歲逋稅謙奏令衛官卒代輸民賴以蘇歷陞工部

主事刑部郎中提督安置畿內軍民事竣陞九江知

府

鄭俊

經志鄭俊中永樂癸未鄉試除工部主事雅有名績

李本

張守仁李氏世次碑李本字太初祖蘭居陝西麟遊

縣蘭生忠始居鄆陵忠長子達納米一千二百石詔

立義民坊次卽本清介廉敏丰範嚴凝薦楷書永樂
四年授福建道御史糾劾官僚有直聲奉命西征道
經鄆土未嘗一窺私室終大理寺左少卿蒙按科貢
題名碑李
本官御史世次碑言其終大理
寺少卿似宜以世次碑爲正

牛良

新纂牛良少時資性聰敏領永樂癸卯鄉薦授西安
府同知陞兩淮運同嚴毅有爲克稱厥職本杜化中
牛公墓表

張睿

新纂張睿字志通宣德己酉中河南鄉試第三名明
年成進士授吏科給事中歷陞都給事中戶部右侍

文獻志

卷二十五

九

郎提督內外倉場糧儲摘誥詞公廉平恕四字匾諸
堂以自警且以警所屬故一時上下同心乃事正統
己巳也先犯京師奉勅般運通州城外糧草入城如
未盡而賊至聽悉焚之旣而聲息愈急衆卽欲舉火
睿厲聲叱之曰第悉力般入賊至焚之未晚衆悟乃
止已而寇不利遁去糧草獲全景泰庚午丁內艱命
奔喪復任轉本部左侍郎仍理前事天順壬午戶部
尚書石瑄自陳上諭大學士李賢曰戶部侍郎張睿
可代賢曰睿老成人此職亦宜會瑄仍留上命中官
傳旨睿歷任年久辦事勤勞升戶部尚書仍管糧儲

士論重之成化丁亥致仕辛卯五月卒年七十一賜祭葬如例子紡以蔭入國學孫瑜曾孫時興俱舉人

本徵獻錄萬安張
尚書墓表參經志

孫震

潁州府志孫震河南鄆陵人正統元年任蒙城令興廢舉墜創各鄉社學二十餘所教化大行祀名宦

程鶴

經志程鶴字大鴻少厲志苦學每讀三鼓方寢以鄉貢入太學所交皆天下名士屢試禮部不第乃循資就銓考第一得同知青州府事尋以憂去復補贛州

文獻志

卷二十五

十

剛正廉明譽孚上下再調嘉興以疾卒於官其壻劉訥爲撰貽休永祀碑立瑩左

李讓

程敏政篁墩集李讓天順閒以貢生任河閒知縣野無游民庭無滯訟勢力者來輒身任之不以困民民之就役者爲立科條使更休迭逸而毋告瘁邑有巨猾皆置於法其請老而歸也貧無以資士民挽留者以千計旣弗獲命相率出泉布贖之一無所受行之日祖道爲塞有泣下者

夏昂

經志夏昂字文端貢生少警敏力學事母以孝聞天
順壬午試吏部優等除保定通判廉直清勤修舉馬
政馬益蕃息成化初出師討賊協濟有功嘗設法擒
劇賊數辨誣服死刑軍民戴之九年考績陞本府同
知致仕年八十二卒

牛理

施志牛理字原道天順閒以貢任順義知縣縣屬畿
內多豪右難治理任九年清勤自矢庭鮮疑獄民多
畏志致仕家居不入城市里有忿爭者平之貧乏者
賙之子緩成化辛卯舉人除南京都察院司務歷陞

文獻志

卷二十五

十一

刑部員外郎郎中兩浙運司同知致仕進階亞中大
夫課子耕讀絕跡公府有司時加存問善吟咏著有
菊坡小稿

胡璫

新纂胡璫字世重例貢生初選鴻臚寺序班明習朝
儀出補華亭丞治聲藉甚歸老教子力學好善嘗取
孟子強恕求仁之意自號近齋年九十三卒子東魯
字望之正德癸酉舉人除禮部司務歷兵部吏部皆
有能聲升祭祀員外郎值朝廷崇事郊廟夙夜駿奔
惟恪大疫奉旨施藥活濟稱帝意有白金文綺之錫

晉精膳郎中精膳掌祀饗饗饋之政令太常光祿皆隸之供輸浩繁丁役冗濫怙勢者屬恃富者貨東魯勤稽核公揀閱請託不行上下允服秩滿報最晉四川布政司左參議未履任即致仕歸閉門謝客不復談及世事有司以鄉飲賓請不赴而遇親友道故舊則樂易近人不自岸異性澹素不事炫飾雖爲大夫服食器用猶如布衣時居鄉敦讓人稱長者年六十

五卒

本高拱胡東魯墓志參施志蒙按施志云胡東魯除禮部司務累官四川參議所至皆以循

績著又按高拱撰胡東魯墓誌政績皆在爲部曹時及由精膳郎中升四川布政司左參議未履任即致事歸必無政績之可見矣何得敘及四

川而云以循績著乎施志誤今正之

文獻志

卷二十五

十二

李綬

張守仁李氏世次碑李綬字文繪成化庚子鄉舉授靜樂知縣莅政初有豪橫數十人入庭試刑文繪申稟撫按懲治吏民胥悅振作士習衣冠檐如升保德州知州

劉璟

新纂劉璟字德輝生有異質弱冠補諸生同邑尙書張睿謝政歸一見器之曰公輔器也成化甲午舉於鄉明年成進士試政刑部當外補尙書林聰疏留本部理刑授主事癸卯陞本部署員外郎慮囚江南多

所平反又明年署郎中充副使冊封蜀府丙午陞松江知府洗手奉法督率吏民勤職業勸農桑修水利敦士習舉人宋某凶戾殺人前守莫能治璟置之法豪右斂迹海上有城隍威靈太守廉明之謠郡人張琳嘗爲鄆陵學諭璟所從受業者致仕家居非公事未嘗一至郡齋璟嘗候之問政有疾璟昕夕往視自進湯藥比卒爲執心喪其舊第久鬻於人奉俸金贖歸其子松人至今兩賢之丁外艱服除改知太原府剋奸植良歲積儲粟以數十萬計再期陞四川參政漢州屯軍殺人爲亂巡按御史欲調兵勦捕璟曰是

不可激親往招諭之誅首惡亂遂定以內艱歸服闋改山西參政隨御史按澤州宗室有訴州守者袖刀截耳以脇御史衆皆走避璟挺身入諭以理法引臂出之血流其衣聞者壯璟之義宏治末陞山東右布政使正德丙寅轉左御史嚴而待民寬部使者交薦之期年擢右副都御史巡撫宣府事事務存大體罷諸苛細未幾召爲刑部右侍郎大同人有訴將官不法者奉命往勘覆奏稱旨已已轉左尋進尙書時劉瑾專政毒流縉紳璟委曲調護裨益良多庚午以甯夏平加太子少保劉瑾敗會廷臣鞫之有微斥瑾者

輒反唇環厲聲叱曰朝廷有大法在尙爾私懟邪次
訊諸奸惟允以老請告歸帝命有司月給輿廩壬申
流賊陷鄆誥勅焚詔補給之仍優卹其家嘉靖壬午
卒年七十三

本徵獻錄中州
人物考參經志

陳溥

新纂陳溥字一卿號澹亭父銓以孝友著溥生而機
穎中涵神智渙發莊重簡默不與羣兒伍總角爲邑
諸生宏治辛酉赴鄉試監試御史先試士以溥未冠
每試輒命預每預輒在首選由是能文之聲滿梁宋
閒甲子鄉試中式乙丑登進士丁卯授大理寺評事

文獻志

卷二十五

十四

時劉瑾擅權政以賄成而無賄者不免於禍一浙吏
赴部納織緞瑾以無賄令刑官誣以侵盜致之死溥
議駁減等持之甚力奏入瑾大怒矯詔答溥謫武鄉
縣丞溥處之裕如不以屈抑介懷日與武鄉士講論
文藝由是武鄉科目接踵已擢陽曲知縣縣附郭邑
宗室鎮守以無藝擾索者無虛日溥置民膏簿籍其
所需時申報撫按索者懼其聞於上也遂不擾索晉
端王雅尙文學重溥年少才傑常迎致府第講究經
旨庚午劉瑾伏誅晉戶部主事癸酉摧臨清舟稅時
亂後商船少稅鈔不逮額或勸加稅取盈溥曰茲豈

仁者之心哉剝商以利官吾不忍爲也竟以少稅報乙亥歷升員外郎郎中奉勅總理大同糧儲時內奄鎮守執舊例以求於溥溥裁抑之奄恨乃侵溥溥曰昔逆瑾枉一人之命我平反之雖被捶掠瀕死終不肯從今欲我從汝邪汝自視權勢與瑾何如耶奄憚而止丁丑武宗率師數萬巡塞下溥從容會計供給億萬罔有不周帝嘉其能賜以綵幣尋擢山東布政司右參議是年濱海大侵道殣相望溥至冒雪巡行設法賑貸所全活者甚衆以病請告歸與邑之逸德耆老爲五友會日談道賦詩以爲樂嘉靖丁酉卒年

文獻志

卷二十五

十五

五十四溥宅心仁恕口不言人過惡聞有議人長短者輒止之使不得言與人真率易直不作邊幅故人皆親愛之天性簡淡泊然無所嗜好晚年號無欲子

蓋自明其志云

本王廷相家
藏集參經志

劉劬

新纂劉劬字思存號春岡刑部尙書璟次子也性至孝八歲母病不食亦不食病愈乃復初五歲能文稍長勵志向學博極羣書正德庚午舉鄉試丁丑成進士戊寅授甯國推官政聲藉甚攝蕪湖縣事武宗南巡中官索賄不得繫詔獄世宗立復故官擢陝西道

御史上疏勸帝務實學復初政言甚剴切尋按遼東時開原士卒缺餉多凍餒死者訥先以庫藏羨布予之復命速給餉全活甚衆各衛所放儲滋弊訥密令守巡察冊籍廉得羸冒悉還官開原市馬及各夷貨守土璫人多取其尤以自肥貿遷罔便訥覈實嚴禁弊遂革事竣還京會災異求言訥上疏請積倉儲禁科擾實力講求荒政察覈其舉廢之迹而旌劾之復劾各軍官貪饕成性故有賣放私役之弊他如正鹽法以通商濟邊免帶徵以全仁示信覈織造以稽弊警貪亶亶千餘言帝咸嘉納詔復府衛裁革官旗訥

上言裁革冒濫中興第一善政豈宜復開競進之路以遂紈綺之私事遂止丁亥按蘇松常鎮所至黜貪墨戢豪強革宿弊辨疑獄察僞報荒田數十萬頃奏蠲災糧數十萬石吳人德之以母病乞終養歸母卒哀毀盡禮服闋改江西道疏請毀天下淫祠不報丁酉升南通政司右參議己亥升大理寺左少卿有盜泰陵庫存樂舞生淨巾刑部問比盜大祀神御物律斬訥以爲過重非平駁問數次竟從未減又有盜山陵樹木者不論遠近皆引重例犯者旣就極刑仍遠戍其家屬計累人命數百乃屢駁之得減死期當五

年審錄讞減矜疑幾百人各得其情辛丑八月升都察院右僉都御史浹旬轉左壬寅有邊警詔廷臣各陳便宜劄上疏言承平日久邊務日墮將怯不能奮威兵驕莫肯用命祈勅中外撫臣勿徒各守封疆務念均關休戚嚴隘口以懲覆轍互犄角以廣聲援又兵貴盛亦貴精食貴充尤貴繼願兵部嚴軍律振紀綱罪無逋誅功無倖錄痛禁科害深剔弊源責將士以同心收安攘之實效願戶部議裁冗食節縮帑儲指撥營軍分番轉運與其虛費月糧曷若實資邊餉此外急圖尤在責將古之名將奮於奴鹵起於行伍

今日豈無若輩錄功使過舍短用長惟在本兵駕馭何如耳疏入議行甲辰正月當朝覲期部院考覈天下官吏乃矢公矢慎極力贊裨黜陟允當十一月升大理寺卿事事以寬容爲心而遇恃權屬託則屹不可奪乙巳二月有武宗璫臣之裔席勢陰請誣奏里甲覬免重役劄執法不少徇駁究至再使賦無倖蠲罪不濫及畿民感泣有崔鑑者年十四因父所嬖外婦凌虐其母憤激殺婦而逃父被繫乃詣獄請罪劄爲上疏請原詔許之歲歉有強取斗粟尺縷者皆論盜坐死劄推原執奏減死爲多丙午正月升刑部右

侍郎尋轉左九月霜降當慮囚諸屬僉謂審錄未久
蔑有疑者詎曰失刑則刑失死則死詎有過愼者乎
乃詳案牘參口語果復議原十五人詔悉如議故事
緝事者緝得重罪則加秩故獄多羅織罔真而刑司
亦莫敢爲辨有閻鸞者爲其仇誣以殺母而鸞諸東
廠將服極刑詎察其冤變其誣服初詞而釋之丁未
升南都察院右都御史戊申升南工部尚書己酉轉
南刑部尚書旋改北初帝幸承天河南巡撫胡纘宗
嘗以事笞陽舞知縣王聯聯爲巡按御史陶欽夔劾
罷聯素凶狡嘗毆其父良論死久之以良請出獄復

坐殺人求解不得知帝喜告訐乃摭纘宗迎駕詩穆
王八駿語爲謗詛言纘宗命已刊布不從屬欽夔論
黜羅織成大辟候長至日令其子詐爲常朝官闌入
闕門訟冤凡所不悅者數十人悉搆入之帝大怒立
遣官捕纘宗等下獄命詎會法司嚴訊詎等盡得其
誣罔仍坐聯死當其子詐冒朝官律斬而爲纘宗乞
宥帝旣從法司奏坐聯父子辟然心嘆纘宗頗多詰
讓下禮部都察院參議嚴嵩爲之解乃革纘宗職詎
除名法司長貳停半歲俸郎官承問者下詔獄時法
官率飭法徇上意稍執正譴責隨至詎於是獄能消

縉紳之禍而不計榮辱之機人益服之家居九年卒年七十七劔莊嚴簡重人不敢犯而敦厚寬裕不自岸異遇事明敏謹慎雖小不苟而廟堂大議尤克有斷處察柔而正教而信有善則推讓之事或失當必反覆直爭妥而後已雖若有忤然出於誠心善意人皆諒之汲引後進如恐不及雖一言一行之善皆極口讚揚居鄉和易可親而規矩準繩一毫不越人多化之著有春岡集行世

本高文襄集陳文岡集
徵獻錄參明史列傳

陳棐

新纂陳棐字汝忠少參溥長子幼瑰異博極羣書以

文獻志

卷二十五

十九

文章節義自命登嘉靖乙未進士授中書舍人改禮科給事中疏請罷元世祖陵廟之祀其他歷代帝王從祀名臣亦多所更定皆奉旨俞允升戶科左疏請開江北諸省水利其略云效江南水田之法倣成周遂人之制作溝澮以利農畫疆理以設險非惟可以漸復古制實足資之慎固封圻詔令各省撫臣議行旋以進獻官箴謫長垣丞事竟寢

蒙按陳棐進獻官
箴謫長垣丞見文

岡集而何出圖藜雲稿乃謂文岡於世廟朝抗疏勸講詞激烈至干天怒誤矣

在長垣期年

升甯晉知縣

孫奇逢中州人物考云陳棐任給事中
直諫敢言不避權貴因忤旨謫長垣丞

升本縣知縣蒙按陳棐由長垣丞升甯晉知縣未嘗升長垣知縣人物考誤今不取

新學宮置

學田築射圃申鄉約勵士習政修教舉俗用丕變復
以甯晉多古溝洫欲興水利溉民田以遷澤州知府
不果行二年入爲刑部員外郎歷郎中督學山西所
獎拔皆英俊以陝西觀察使擢都御史巡撫甘肅甘
肅孤懸河外三面受敵棐至修墩堡備器械恤降實
伍經畫多遠略又捐俸置經史子集於甘鎮儒學文
事武備振厲一時以疾致政還所著有文岡集八陣
圖說火車陣圖考卒之日無雲而雷人以爲異

本陳文岡

集蔡洵濱集明
史禮志參經志

王瑞

文獻志

卷二十五

二十

施志王瑞字靜齋貢生授甯州同知廉潔自愛有循
聲以疾終子二鶴齡鶴年鶴齡字鳳羣鶴年字松巢
早歲俱遊庠嘗逼於強鄰齡語弟曰非讀書無以禦
侮且讀書亦吾家事汝其力學家務我督之不煩汝
也是科鶴年舉於鄉歸復語弟曰嗣後家事汝任之
吾亦當潛心矣遂閉戶不出刻厲奮發閱數年齡復
膺鄉薦鄰人懼兄弟終不與校人咸服其量鶴齡授
常州府通判陞忻州知州勇決有爲務行其所學政
聲大著以老歸鶴年性恬淡不櫻心塵事嗜讀書恆
廢寢食任崞縣令每以奔走爲苦未週歲卽致政旋

里時咸服其高三世孝友鄉黨推重公舉瑞與鶴齡
從祀鄉賢人益以爲榮云

梁克順

經志梁克順字子迪號篆一天資敏異而能刻苦力
學與兄克肖弟克從每試輒互冠軍時號三梁嘗以
舊廩次讓同學新考候補者食餼督學亟爲稱獎萬
厯丁酉選貢己酉中鄉試數因公車己未授盩厔知
縣縣久疲俗復健訟稅糧逋欠積至七年且縣治終
南五百里故多盜難捕順銳意振飭牘無停滯積習
爲之一變縣多水田人或爭水利不均輒構訟順度

文獻志

卷二十五

二十一

勢決策開起鳳龍灣等渠五十餘道灌漑之民賴其
利復甃城濬濠講鄉約編保甲一切爲久遠計去之
日送者絡繹於道天啟乙丑考選南京雲南道御史
巡視京營觸璫削籍崇禎改元盡召還先朝削奪諸
臣順復原官尋罷歸杜門謝客手鈔書訓誡諸子每
慮一門四登科第宗支日盛恐漸行橫肆取怨鄉黨
嚴約束之鄉人戴德建祠祀焉所著有澹甯樓文集
孫熙亦任御史

梁克從

新纂梁克從字爾徽少爲諸生督學李化龍見其文

深賞識之目爲國士戊戌成進士授塾屋知縣寬嚴相濟持政有方士民稱頌其德陞禮部主事調吏部在吏部一爲考功主外計一爲文選掌選事皆謝絕苞苴門無私牘同官甚敬憚之轉奉常少卿感疾以子廷棟成進士遂不復出克從平生簡約一狐裘三十年與人交無城府身居清要子位九列無幾微驕矜見於顏色不蓄聲伎不求玩好惟對客奕棋娛樂終日嘗置祭田百畝粢盛之餘卽以瞻給宗族崇禎壬午闖賊攻汴左良玉提重兵赴援疑鄢弗拒賊欲屠之從力言小民畏死而已無通賊狀請急圖賊以

文獻志

卷二十五

二十一

姑置此殘黎良玉引兵去鄢得無恙後攜家人保於

汴汴被賊圍克從以憂卒

蒙按白松樓集克從卒於圍城中非殉汴水之難也

明史及經志皆誤今正之

河決家人俱死於水

本經志陝西通志白松樓集

蘇起雒

新纂蘇起雒字子相號轅轅世居鄢陵大父涇字前川故學官弟子文章以博雅名與同邑劉連友善連以讒陷縲紲遂結同志往來慰問相存護邑君聞之怒誣以他事并牢之卒無怨言事白出獄連感其義作賦贈之以爲積德植行厄於身必豐於後也起雒幼穎異承家學又從中表劉公賁卿遊文日知名邑

令何公爾健雅知之延至署與其子應瑞切磨文藝遂舉萬曆三十一年鄉試四十四年選授陝西鳳翔府推官推官主理刑見囚徒肌理殘傷輒對家人曰是官豈吾所忍爲耶獄多平反鳳翔人戴起雒如父母遇起雒出入輒手香花迎送道左秦宗與李氏子以狹邪爭鬪死者數人秦王護其宗有司直李氏疏上七年不決御史下西安鳳翔漢中三理官訊其事皆稱疾不往獨鳳翔專鞫之釋無辜男女三百人西安漢中位署惟謹釋者歡聲徹中外鹽徒相攻殺其魁匿形而密使黨類變幻其辭相持二十年御史符

下三理官如初西安當秉筆至暮不能決起雒曰是中有能言者嚴訊之必得綱領果如起雒所料衆訝問故起雒曰獄重人避不暇此獨敢言必利害切身乃爾同列皆嘆服是時蘇推官名動關中鳳翔闕守以起雒攝會鑛徒聚衆數千將爲亂起雒乘馬直抵其寨諭其衆曰爾以糧事與民爭但具詞官自辨曲直何苦滅族爲皆釋兵仗聽理戍其首數人御史以起雒能辦賊復牒起雒撫西安番族起雒馳往山徑左右皆賊若爲不知者曰此皆吾民也可爲吾召賊能傳吾言者吾鳳翔蘇推官也上臺念若荒困使吾

撫若草檄文榜四出番族皆來歸陝西故邊榆林甘肅甯夏先是閒歲遣閱視大臣後以理官代得校閱邊備殿最武弁諸鎮盛供應祈得歡心閱者多循故事爲文具起雜稽核錢糧器械功罪不少假借有參將市駿馬飾金銀爲轡啣起雜峻卻之邊境肅然升直隸眞定府同知眞定古趙地多巨盜盜賄捕役相容隱起雜執捕役使舉所私羣盜相疑煽其黨始散光宗御極發內帑四萬犒眞定衛軍起雜主隊給例得羨千金吏持簿進起雜呼隊長使什伍均其餘衆軍歡聲動天地眞定屬縣闕常攝武邑深州獲鹿井

文獻志

卷二十五

二十四

徑嚴禁火耗無銖兩濫征時武邑令以加征溢正額被劾起雜署其縣封識如初以待新令不以身爲前令壑起雜廉謹自將政聲日起考最超遷河東鹽運司運同遽投劾歸崇禎丁丑卒於家年六十有四子

宇自有傳

本艾南英文集及劉氏念修錄

劉賁卿

新纂劉賁卿字以成號觀文大司寇劄曾孫南康太守巡孫也少爲諸生有文名中萬曆丙午河南鄉試四上公車不第乃就邑博士於濬大興文教門下士成科名者爲多辛酉陞肅甯知縣縣故有庫支不明

者四千餘金前令率以空名相授受賁卿至鞫戶胥於署內自行察算不數日而清盡置奸胥於法當是時熹宗委政逆閹魏忠賢而肅甯實爲其里賢風賁卿爲請撫按建坊賁卿拒不應乃建之郡城郡守檄賁卿往破土賁卿以府有附郭義無越俎辭焉己闈出帑金三千託賁卿斥地建塾延收士類爲稱頌地賁卿又不許旣又輦金巨萬檄賁卿大築郿鄠賁卿曰家不藏甲邑無百雉之城制也肅甯小邑城素完無容更葺辭之闈乃自遣其黨楊綬王昆數輩矯旨隳其垣更築堅城大其樓櫓賁卿視事自若不問也

閹甥傅應星以錦衣歸沐使人趨賁卿往謁賁卿以文不先武父母無下部民之禮持不可是又一憾往矣其壻楊六奇嫁女車騎甚都旌旄儀仗擬於王者值賁卿於道不避賁卿憤極鎖其婦翁捶之閹女泣訴於闈闈大怒遂授旨於御史崔呈秀劾賁卿以不與修城怨望疏入矯旨革職懷宗繼統臺省交章論薦賁卿方丁外艱家居特旨補湖廣監利知縣以服未闋不赴己巳冬制滿引見再補博野時畿輔戒嚴賁卿厲士守城有保障功行取輦下循資補西司城旋升南計部視庾政豹韜六倉餘米數萬石例變價

賁卿曰粒米皆公家物安可取也申報兩堂疏入充
餉總儲呂公特疏薦之勅督淮安關稅旋陞四川夔
州知府時獻賊盤踞房竹密邇白帝舞葉一帶道梗
不通賁卿毅然單車履任府城舊依山巖巖上俯瞰
睥睨賊至卽不守賁卿議縮城直指難之賁卿檄請
直指按視卒如議大昌當房竹之衝賁卿出俸調尖
山兵二千守焉又檄取石砮土司兵二千戍郡城捐
金四千以餉之賁卿在夔歲餘寇不敢犯先是府有
關滇蜀之貨皆由焉太守領之賁卿曰太守古之連
帥編戶錢穀皆有司存而視關量舟失方面體檄兩

臺屬奉節莞之復領錢局躬親鼓鑄賁卿亦謝不理
屬經歷司莞之是時地方多事員缺多不補自川東
道及各廳皆賁卿一人兼攝勞瘁過當遂感疾乞遂
參苓許焉戊寅春旋里究心醫學壬奇諸書辛巳闖
賊破鄆賁卿攜家徙淮陽京口秣陵間至乙酉秋而
後返時方鼎革有勸之仕者不應順治丁亥正月初
八日以疾終戒子孫曰吾爲先朝大夫當國難以不
在官可以無死然不能無龔勝之愬今以疾沒幸矣
歲時薦享當以陶淵明待我新舊制服皆無以殉用
常服斂此吾之初服也家事一切無及年七十九

常自裕

經志常自裕字君容號二如萬厯己未進士初授安慶府推官明刑平反恩威互著時巡江閱操筭違令萬戶一軍盡譴自裕正議危詞衆遂攝服伏法人皆服其靜定三藩之國大璫怙勢作威多索縉夫且虐使之溺死者無算自裕詣王舟力請得獲寬減又拒撤道旁民居之令使沿江無騷動之虞任滿行取授刑科給事中時用法嚴峻自裕上疏極言國家之元氣當培上下之血脈宜通疏累千言皆切中世務天

文獻志

卷二十五

二十七

子嘉納爲停是年秋決一時稱得君之專焉奉命巡視京營陞吏科右又陞兵科左時寇起關中督臣議撫自裕力言不可乃內外急成撫局以希塞責卒釀後來之禍陞兵科都給事中論東江兵不可撤鞏華城宜設備其慮深遠究爲當事所中沮有識者共惜之自裕任諫垣七年章三百餘上皆關國家大計

明紀

事本末云崇禎八年正月丁巳給事中常自裕上言中原天下安危所係今羣盜充斥乃僅以左良玉一旅塞新澗陳治邦等數營扼汝州陳永福孤軍堵南陽賊勢日衆兵力日分賊二三萬大小七十二營蜂屯伊嵩宛雒之間以數千官軍東西堵拒賊何畏而不長驅哉乞更選邊兵統以廉勇之將特選重臣視師庶腹心不致決裂也綏寇紀略云崇禎八年兵科給事中常自裕以前所調兵如張應昌曹文詔起

自戊籍今取道太原晉撫留之共翦高加封雖明破
不許然未能時至而秦翼明川兵不承滿三千不足
賊東撫朱大典新除天津兵一萬付之承疇未出關先
令馳赴中原調關甯天兵三月給事中常裕言皇
明紀事本末云崇禎八年三月不給事中常裕言皇
上赫然震怒調兵七萬其日而馬爨至歸德圍解三日
未足遏賊鳳陽焚劫四賊返旆而北尤世威等信尚
而鄧玘來穎毫安盧之賊返旆而北尤世威等信尚
杳然至賀人龍等各處淫掠九年正月梳而軍櫛也唯
皇上嚴飭之以伸軍法又云九年正月梳而軍櫛也唯
裕上言流寇數十萬最强無過闖王彼多番漢降丁
堅甲鐵騎洪承疇盧象昇即日報斬獲不過別營將
隊耳於闖勢無損也今秦賊在宜君郿州不過數將
當責成秦撫豫賊在河南汝州者止郿州不過數將
專責豫撫而督理兩川宜令出關由汝魯疾趨以王
承恩孫顯祖等邊兵川兵二萬出關由汝魯疾趨以王
固遏其後在象昇以前淮撫朱大典提督楊御蕃等
由息潁奔英六截其前淮撫朱大典提督楊御蕃等
屯于廬霍防其東突應撫王夢尹以秦翼明等屯於
潛太防其入安慶楚撫王夢尹以秦翼明等屯於麻

文獻志

卷二十五

二十八

黃防其南衝唐鄧隨棗之間則責郟撫宋祖舜若獵
獸合圍則賊自無所逃賊渠殲而餘賊自成破竹矣

陞南少常轉正尋陞南通政使司通政使再陞南戶
部左侍郎兼僉都御史督理糧儲敘前兵垣西甯捷
功加二品服俸正己率屬廉操益勵黜改折杜冒支
旬期間倉庾充溢盡如歲額改北戶部右侍郎督理
錢法遭詹兆恆疏論逮法司後上知其冤釋之會國
變避難金陵豫王定江南錄舊官自裕辭以疾遂歸
里屏居鄉墅履絕城闈惟教子課農而已 詔求
遺賢有司欲薦自裕自裕力謝守志以沒士論高之

鄭二陽

新纂鄭二陽字敦次號潛庵麻哈州知州友諒仲子
登萬厯己酉賢書己未成進士初授德安司理聽斷
明允事無冤滯視篆孝感舊例歲派富民數人供驛
傳幃帳器具民苦之二陽至悉自辦遂除其弊先是
潞藩諸莊中官往來收租民不勝擾乃爲設立區頭
供億賠償又輒破產二陽請於臺司罷區頭有司爲
之徵解中官止受成事人便之行取如京父老攀轅
餞送絡繹山谷時逆璫專國氣焰熏灼令所私授二
陽疏稿使劾楊漣不法事清要可立得二陽不從璫
意左乃授南工曹厯吏禮二部郎中遷海防僉事鹽

文獻志

卷二十五

二十九

漕軍門大璫楊顯名欲府道以屬禮見二陽謂兵道
不與鹽筴且勅書無提衡監司語屹不爲動當是時
寇犯鳳陽焚祖陵淮陽大震二陽韎韐臨戎簡練將
卒一切戰守之具無不備及寇再躡滁州屠六合而
揚卒無烽火之警者皆二陽綢繆之力也舉廉卓第
一加參議泰州以竈變告卽親厯諸場開諭爲除蠹
害事遂寢淮南旱蝗飢民枕籍於道乃立五廠賑濟
之全活者甚衆二陽治揚五載寬房稅毀鋪禁革贖

緩停鳳米釐剔百年積弊民甚德之

烈皇小識云山東巡撫缺東省

諸人公討泰州兵備鄭二陽蓋二陽於流賊南犯時城守著勞故也

及去任郡城瓜州

泰州東臺建祠者六用廷臣薦召入平臺烈宗親問
練兵措餉之計二陽對以額設之兵原有額餉但求
練實則兵不虛冒餉自足用是練兵卽所以足餉若
兵不練實雖措餉何益措餉又貴得人得人則利歸
公家矣烈宗又問各處災傷柰何二陽復對裁不急
之官以省費用下寬大之詔以收人心上悉稱善卽
擢僉都御史巡撫安慶協理剿寇軍務所屬地界四
省羣盜日熾會楚豫淮皖合剿五營大賊丁啟睿破
張獻忠於麻城二陽乃提兵與宋一鶴及鳳陽總督
朱大典蹙賊左金王老猗猗等於潛山懷甯山中追

文獻志

卷二十五

三十

破爭世王於鐙草坪斬首千八百級一時東南半壁
賴其保障及李自成攻汴督師丁啟睿左良玉皆往
援汴獻忠乘閒而東掠民益軍習水師於巢湖太監
盧九德以總兵官黃得功劉良佐之兵戰於夾山敗
績江南大震督撫解任聽議二陽於四月十五日解
任至五月初七日廬州爲獻忠陷沒時新撫徐世廕
己任事二十餘日刑科翁元益袒徐劾二陽二陽遂

被誣逮法司事白釋之

明季北略云崇禎甲申三月
吳履中請釋繫禁諸臣納贖

出鄭二陽於獄

將治裝值國變與周元亮微服出都門

鄭二陽日

省錄云甲申三月十二日奉旨俞允部擬近戌就寓
承恩寺十三日遵旨借貸納贖給有庫收回籍十四

日僱腳驢十五日城門戒嚴十六日賊薄城下十七日賊攻城甚急十八日午後攻破彰儀門十九日逆賊犯闕乃至不忍言悲憤慘痛義不共生又以罪廢累臣不敢強顏殉難於是微服徙避因作逐婦吟以

明志寓居京口丙戌歸里杜門以詩文自娛屢薦不起

敦宗睦族至老不倦卒年七十一當二陽赴皖江時天下差徭繁重而鄆尤甚正額外有遼餉流餉新餉練餉鞭銀草梢銀米豆銀鄉兵工食運糧車腳銀騾馬硝黃銀諸名色復有小灘買米幫貼銀漸加至萬金鄆民苦之二陽適過里門與按臺高公力言之弊政悉除鄉人被其德共建生祠於東關及卒德安揚州各紳士合詞請祀名宦著有益樓集禮要諸書行

文獻志

卷二十五

三十一

世本 耿介撰傳參施志明史宋一
鶴傳 明紀事本末中州人物考

梁廷棟

新纂梁廷棟字大胸號死它太常寺卿克從子也博學多識尤精武備居恆以韓范自期萬厯戊午舉鄉試明年成進士授南京工部主事轉禮部郎中權關蕪湖有廉聲天啟乙丑遷撫治西甯參議丁丑轉山東濟南副使攝武德道篆時山東巡撫爲魏璫建祠應由道轉詳廷棟以安史祠堂新莽功德皆大逆不道事頭可斷詳不可轉卽陳牒乞終養當事者屢聳以危言不顧也

清流摘鏡云山東巡撫李精白爲魏璫建祠故事撫按之行守道前驅廷

棟先在德州卽馳至陵縣公署屆期竟不至祠所內
漕李明道至小灘部道皆手板堂參廷棟以客禮謁
於舟次李監送不登舟廷棟亦徑行不登鎮太監胡
顧廷棟自知必不免禍遂呈請終養

良輔檄取軍馬文冊廷棟知其詐堅不與秋闈例入
監試中軍太監金捷遺直指書爲人謀關節廷棟反
覆力爭事乃寢自念與世柄鑿急圖掛冠故徹棘後
拜表卽行懷宗卽位錄不附璫者起原官授分巡口
北道加右參政十一月 大清兵克遵化巡撫王
元雅自縊卽擢廷棟右僉都御史代之廷棟請賜對
面陳方略報可未幾督師袁崇煥下獄復擢廷棟兵
部右侍郎兼故官總督薊遼保定軍務及四方援軍

文獻志

卷二十五

三十一

廷棟有才知兵奏對明爽帝心異之明年正月升兵
部尙書時流寇已大起西北廷棟目偏盲伉健有智
謀在部與職方李繼貞論賊事調度頗合而廷臣見
其驟用心嫉之屢事彈劾廷棟奏辨並請一嚴疆自
効其略曰臣見昇平日久綱紀陵夷文官愛錢武將
怕死封疆之臣挾敵市重廊廟之臣結黨行私以致
亂賊蠡起臣義激於中感憤圖報誓欲躬擐甲胄親
冒矢石拚此七尺決死一戰勝則歸功將吏拂衣歸
山敗則灑血原野裹革歸葬以愧人臣之懷二心者
又疏曰臣受皇上厚恩清白一心始終無二若欲臣

舞腰貼地笑面迎人獻酬羣心結納私契逞機智以
衡不可違之義命藉名色以邀不近情之聲稱臣自
做秀才時卽恥此行徑今忝爲大臣乃變塞明時有
死不爲也帝覽疏慰留夏永平四城復帝賞廷棟調
度功加太子少保世襲錦衣僉事初廷棟入部銳意
整飭首陳經國要略十三事曰審官曰定兵曰議餉
曰御將曰明法曰勵節曰防奸曰破黨曰遴才曰務
本曰弭盜曰推誠曰教戰已陳釐弊五事曰屯田曰
鹽法曰錢法曰茶馬曰積粟已又極陳陝西致寇之
由請重懲將吏貪污以紓軍民之憤塞叛亂之源帝

文獻志

卷二十五

皆褒納廷棟居中樞歲餘所陳兵事多中機宜帝甚

倚任

綏寇紀略云兵部尙書梁廷棟以王承恩未還王國樑新敗兩軍之師皆失官請用杜文煥提

督山陝

臨甯四鎮兵討賊而以道臣葉廷桂白詒清爲監軍又云梁大司馬爲人有幹濟才嘗請補三邊

缺餉並

擊問秦中貪殘有司非前後數公可及其奏杜文煥爲大將假事權用西人以辦西賊不爲無見

而御史水佳允連疏劾之廷棟不待旨卽奏辨佳允
疑其座主錢象坤所洩疏侵之周延儒惡廷棟並惡
象坤象坤遂引疾廷棟亦以冠帶閒住去家居事父
孝思甚篤又念國恩隆重時事日非匕箸閒淚盈盈
下甲戌流寇渡河廷棟倡義易鄆土郭爲磚城備器
械修防禦寇聞名不敢睥睨城下乙亥冬邊事急召

廷棟爲兵部侍郎兼右都御史代楊嗣昌總督宣大山西軍務明年正月入境見三邊極敝不勝憂虞籌邊之策日上時邊兵缺餉數月疏言餉匱由於民貧民貧由於官貪請除貪風以充軍餉帝允其請又爲邊用久足計檄察絕戶荒田近二萬頃請屯田以省轉輸帝俞行復以邊垣缺壞親自跋履尺度丈量繪圖請修理未及施爲而大清兵已逾天壽山克昌平矣廷棟督兵入援率敢死士奮擊夜雨中復昌平轉戰良涿薊通閒時廷棟已抱病至夏店東墜馬折指病益劇冬十月朔卒於薊州西關年四十六

本明

文獻志

卷二十五

三十四

史列傳胡宗緒撰傳
參明紀綱目經志

蘇守範

新纂蘇守範字念之號紹東登萬厯己未進士天啟中任清河知縣調繁永年性情和藹樂易而出治嚴明剖決如神邑中有大蠹爲民害守範去之民乃安且操守廉介囊橐蕭然人有勸之營賄者作述懷詩云當年空遠志小草出平干醫懶堪爲吏救貧豈在官琴彈千古韻雪積一庭寒世路知音少相憐應自難後以左公光斗薦行取吏部主事未莅任卒

本永
年志

蘇氏家乘
參施志

韓法愈

經志韓法愈字去病號弋庵上林苑監監丞自重第
五子生有異相臚腑皆見幼穎悟十歲能屬文十三
就試督學奇之擢冠童子軍是年卽補餽才俊之譽
播於閭里治舉業之暇復肆力於古文詩歌有和陶
飲酒詩及弋庵文集一時傳誦梁宋閒年二十四成
進士在京邸擇交甚嚴所深契者張受先徐九一也
初授山東堂邑知縣時白蓮賊煽亂二東多故法愈
力行鄉約保甲團練鄉勇以是盜賊蠡起而堂獨晏
然所著鄉約合冊爲上臺所極稱檄布各屬倣行之
暇卽集諸生課業成就甚衆庚午分校秋闈稱得人
又堂邑當漕運之衝梁家淺多淤爲艘梗每先期疏
鑿舟至卽破浪而北不復知有牽挽之勞他如禁卻
贖鍰火耗人服其廉堂舊徵糧里胥截收意爲輕重
民甚苦之法愈廉得其弊令民自封投櫃里胥不得
因緣爲奸循吏之名籍甚山左大計舉卓異檄攝冠
治一如堂再調繁益都治亦如之莅益未幾會病時
方行取未治裝而卒卒之年纔二十有七時論惜之

國朝

梁熙

文獻志

卷二十五

三十五

新纂梁熙字曰緝號皙次明雲南道御史克順孫生於世族不喜紈袴之習讀書好古視聲利蔑如也於詩嗜陶淵明少得句云明月生東隅清輝照北牀長老驚異之十三歲補諸生第一文名藉甚會明季流寇蹂中州河決大梁熙流離瑣尾渡河僑寄朝歌覃懷閒亂定始歸舉順治三年鄉試又十年成進士出知西安之咸甯誓於神不以利自污視民如子治行冠三輔減俸行取入爲雲南道監察御史是時

世祖章皇帝方重言路臺省官皆矯尾厲角務毛摯搏擊爲名高熙獨澹泊甯靜下直輒焚香掃地宴坐終

文獻志

卷二十五

三十六

日暇卽與其友汪琬劉體仁董文驥王士正輩出遊豐臺草橋諸勝地或會食浮屠老子之宮諸子酒酣耳熱辯難蠡起各負氣不肯相下熙但默坐或微笑不發一語偶出一語則人人自失嘗巡視茶馬於秦不名一錢或以爲言則笑曰吾籌之熟矣居官而謀利爲子孫計耳子孫不肖而居厚實三蠹將至曰盜賊曰博徒曰倡優吾懼夫三蠹之爲子孫憂也故不敢也在京師日懷歸田之想屬長洲文點畫江村讀書圖以見志未幾謝病歸淄川高侍郎珩贈詩云燕臺襍被親相送一箇嵩邱行腳僧蓋紀實云歸田後

尤孤介自持不接當事同年王公日藻巡撫河南餽問亟至一無所受康熙壬申卒年七十一子四埳埳

坦埳

本王士正漁洋文略參施志

蘇炳彝

世德錄蘇炳彝字東白號耀初賦性樸誠耿介肫肫以古之學者自期中天啟甲子舉人崇禎閒任信陽州學正歷光州明亡流寓江左國初天下稍定乃歸里順治八年授陝西通渭知縣性公廉不受請託而能盡心於民事通渭山多地高民艱於水炳彝捐俸倡邑人甃井四至今便之年餘投劾歸一貧如

文獻志

卷二十五

三十七

洗家居守約安命戶外事未嘗與聞康熙九年卒年八十七

劉漢藜

施志劉漢藜字博仲夔州太守賁卿子幼聰穎過人及長博學淹雅能詩善屬文工蘇米書以恩選充貢除淮安清河令地濱大河爲衝要繁劇之區民疲奔命往往他徙以避徭役藜多方招徠除其逋賦數月閒增戶數百邑故以丁田定賦額而站支之費悉取給於丁徭歲費無算民不能支藜矢公編審增減有差民始無不均之嘆泣任僅八月頌祝之聲載道以

勞瘁感疾卒於官囊無餘貲賴古人賻贈乃克歸著有寶蘇齋集子五佑僕儼僕伋皆列文學佑登順治己亥進士

梁之鯤

施志梁之鯤字鵬溟憲副策之孫也性孝友敏而好學明季流寇陷鄆迫脇以僞令之鯤怒罵不屈身中數鎗不仆聲色愈厲賊異而釋之 國朝以明經授武鄉宰甫下車卽力請上憲豁漲沒地懸糧出淹禁欠戶數十人邑石盤里寥濶無村落盛夏行人病渴鯤捐建茶庵掘地得甘泉土人泐石紀德名其泉曰梁公泉以疾請休杜門謝客絕跡公庭詩酒自娛閒及繪事邑令經起鵬知其淹博延修邑志數於鄉飲壽八十八歲著有聞茗堂集

常翼聖

施志常翼聖字百子號槐壇明司農自裕季子也少深沈有大志明末寇起移家百人於河北遇督師遊兵欲劫之翼聖甫成童挺身出叱退之隨父抵金陵遇風舟幾覆翼聖虔禱忽有綠色鳥集乃定中順治辛丑進士初任江南潁上知縣聞邑有土豪藏鏹巨萬結賄爲奸翼聖莅任首除之縣有江口鎮月出米

十數石供官食又有八里塚鎮爲官府行厨給器用翼聖知其積弊悉革去之未幾鳳屬大饑翼聖曰是未可以常法救也乃於家運糧數百石自洎河達潁以爲之倡富民由是樂輸潁賴無恙督憲深爲嘉予

潁州府志云常翼聖知潁上居官廉恕歲旱殫心設法活數千人王提憲兵過不戢力白其狀詞不稍屈

兵不敢擾 委署霍邱篆霍故多盜又遇災荒人心洶洶翼

聖雪夜乘機率民兵獲賊首二人餘俱解散旋設法賑濟霍民亦皆保全督撫交章首薦行取福建道御史秉法肅紀豪惡斂跡視鹽兩浙力請蠲免浙鹽積欠會京兆乏人 聖祖謂京師旗民雜處必公

文獻志

卷二十五

三十九

正有才識者始克治之常翼聖生平廉謹可任此職特擢爲京兆尹輦轂之下肅然一清累官大理寺卿以年老乞休歸里爲鄉飲大賓壽至八十九終翼聖數被 恩寵庚辰隨 駕暢春苑蒙 賜御書一幅鄉里至今以爲榮

王日温

新纂王日温字子厚中書鳴球子也少負軼才年十一補博士弟子有神童之目癸卯舉於鄉丁未會試中式年甫二十三初鳴球甲辰未與殿試至是父子同對策 大廷人以爲榮鳴球考授中書需次里

居而日温選宏文院庶吉士慨然有志於經世之學
已酉授兵科給事中遇事侃侃無所阿附時有
旨甄別督撫而不及提鎮日温疏言提鎮爲封疆大
帥權無異於督撫今有歷任七八年或十餘年者果
人人稱職乎請一體甄別以肅軍紀是時拜官甫數
日時論躓之 詔赦軍犯而地方官往往淹滯不
遽釋日温上言 朝廷布宥罪之恩而奉行者率
至五六年之久脫其中有客死異鄉者如曠典何又
言 詔款內逃人窩主干連人犯俱準赦免而直
省地方距京師遠者數千里近者數百里有赦前起

解而赦後猶械繫道路者天時酷暑銀鐺烈日之下
保無暍死道上者乎臣以爲與其豁之於解到之後
曷若宥之於未解之前請 勅部飛檄各督撫立
釋歸農使蒙赦者早慶生全幸甚皆奉 俞旨自
是或密奏或公陳前後章數十上皆有關 國家
大計親病假歸還 朝補戶科掌印給事中庚申
冬 御試臺省諸臣問以進勦機宜轉輸方略曰
温敷對稱 旨奉有條奏詳明克稱言職之
諭數年間晉鴻臚寺光祿寺少卿轉通政司右參議
尋轉左累遷太常寺少卿壬戌五月奉 旨勘黃

運兩河大工長隄周回三千餘里尺計寸較繪圖入告得 旨嘉獎 聖祖東巡特遣祭告東鎮

沂山等處丙寅復請假歸疾作卒於臨清舟次年僅四十有二朝野惜之著有 賜宴紀事南行紀事

東行紀事都諫奏議傳青堂集

本湯斌潛庵遺稿
參施志都諫奏議

扈光遇

施志扈光遇字廣生幼工文藝中康熙乙酉舉人部

銓涑水令引 見奏對稱 旨授安州知州抵

州勤於撫字值大旱竭誠祈禱至於涕泣甘霖立霈境內多積水地幾至千頃民或因旱樹藝熟則官取

文獻志

卷二十五

四十一

其賦爲常例歲可納麥千餘石公堅不受曰是勞吾民力而穫者吾何利焉上官聞而嘉之歷四載以疾終於官

張素志

施志張素志字道援號豫洲弱冠補諸生雍正己酉膺鄉薦聯捷成進士試用直隸攝篆平鄉雪冤抑釋株累懲奸胥民大悅每公出多焚香戴祝者題授阜城令未幾丁內艱歸服闋補無極縣訟至卽決案無留牘遇有當驗奪者必親歷不以勞瘁辭嘗曰令原以親民倘深居簡出則下情壅於上聞或委僚吏又

恐是非混淆於心終不安也邑多陋規悉除去境有木道溝數十里皆流砂隄不能立制府聽浮言檄令疏築志恐勞民罔效且貽後累具稟陳情七上乃寢嘗奉檄辦火硝銅觔志卽捐俸辦繳民不與知三年奏最調繁獲鹿邑當孔道多疑獄有累年未決者志至立剖釋之又嚴抑豪強設義學以興文教邑居山中狼常爲患懸重賞撲去之龍石山下隅阪地百餘頃山水渟注廢棄已久志相度形勢躬率挑濬不逾月渠通水達金河成良田人呼爲張公渠以卓異薦尋調清苑首邑會通省大興水利清邑工獨夥成梁

文獻志

卷二十五

四十一

建開三河並修逾歲報竣漸以勞瘁成疾告歸養親踰二載遭父喪躃踊泣血疾轉劇竟以是年卒年五十二著有雜藝略存藏於家子二汝冀汝藝皆邑庠

呂挺生

吳志呂挺生字嵩峰生而穎異沈默寡言笑乾隆三十三年舉人補舞陽訓導嘉慶六年陞山西偏關縣知縣恪恭盡職旋罷歸淡泊甯靜外事弗與聞鄉里重之